

Текширув давомида айрим туманлардаги фермерларнинг ўз ихтиёридаги ерларни ўзбошимчилик билан фуқароларга турли максатларда ноқонуний ажратиб берганлигига ҳам гувоҳ бўлдик...



— Гап бундай, — деди талабасининг ўқишдан хайдалиб кетмаслик учун хар қандай хизматга шайлигига ишонч ҳосил қилган М.Аҳмедов, — ҳозир сизга руҳсат. Хизматни кейинроқ айтаман.



Mustaqillik huquq demakdir

# Ҳуқуқ



1997-yil 27-avgustdan chiqa boshlagan www.huquq-gazeta.uz

2010-yil 1-aprel, №13 (690)

Бош прокуратурада

Жараён



## Мувофиқлаштирувчи кенгаш йиғилиши

Олимжон НАБИЕВ,  
Бош прокуратура бошқарма бошлиғи

Бош прокуратурада республика ҳуқуқни муҳофаза қилувчи органларининг мувофиқлаштирувчи кенгаш йиғилиши бўлиб ўтди.

Йиғилишда дастлабки тергов ва суриштирув органлари томонидан жиноятлар ҳақидаги хабарлар ва аризаларнинг кўриб чиқилиши ҳамда Ўзбекистон Республикасининг "Терроризмга қарши кураш тўғрисида"ги Қонунининг Ички ишлар вазирлиги органлари томонидан ижро этилиши аҳоли муҳофиза қилинди.

Таъкидланишича, ҳуқуқни муҳофаза қилувчи органлар томонидан жиноят ҳақидаги ариза ва хабарларни ҳал этишда жиноят-процессуал қонунчилиги талабларига риоя этилишини таъминлаш борасида йўл қўйилган камчиликлар, айниқса, жиноятни ҳисобдан яширишдек жиддий қонунбузилиш ҳолатларига барҳам берилмаётганлиги кескин танқид остига олинди.

Бундай салбий ҳолатларнинг вужудга келиш сабаб ва шарт-шароитларига алоҳида эътибор қаратилиб, уларнинг олдини олишга қаратилган қатъий чоралар кўрилиши лозимлиги таъкидланди.

Ички ишлар вазирлиги органлари томонидан терроризмга қарши курашга оид қонунчилик ижроси аҳолини муҳофиза қилишда бу тоифадаги жиноятларнинг олдини олиш борасидаги иш услубини янада такомиллаштириш, диний экстремистик оқим таъсирига тушиб қолган шахсларни аниқлаш ва улар билан профилактик тадбирлар ўтказиш бўйича мавжуд имкониятлардан кенг фойдаланиш зарурлиги кўрсатиб ўтилди.

Мувофиқлаштирувчи кенгаш йиғилишида мавжуд камчиликларни бартараф этиш ва ушбу соҳаларда фаолият самарадорлигини оширишга қаратилган қарорлар қабул қилинди.

## Фаолият таҳлили

Ғайратбек ОТАХОНОВ,  
Андижон вилоят прокуратурасининг бўлим катта прокурори

Андижон шаҳридаги Ёшлар марказида Одам савдосига қарши курашиш вилоят идораларо комиссияси ишчи гуруҳининг кенгайтирилган семинар - йиғилиши бўлиб ўтди. Унда ишчи гуруҳи аъзолари, мутасадди бошқармаларнинг вакиллари, ҳуқуқни муҳофаза қилиш ва прокуратура органлари, жамоат ва ёшлар ташкилотлари, нодавлат-нотижорат ташкилотлар вакиллари ва оммавий-ахборот воситалари ходимлари иштирок этдилар.

Семинарда ишчи гуруҳининг ўтган биринчи чорадаги фаолияти атрофлича таҳлил қилинди. Жумладан, вилоят ҳудудида "Одамлардан фойдаланиш учун уларни ёллаш, ахлоқ-одоб доирасидаги ҳуқуқбузарликларнинг олдини олиш ҳамда унга қарши курашиш" мавзусларида олий ва ўрта махсус таълим муассасаларида тегишли

давлат идоралари ва жамоатчилик ташкилотлари билан ҳамкорликда аҳолининг ҳуқуқий саводхонлигини ошириш борасида мунтазам равишда ўқув-семинарлари, учрашувлар, давра суҳбатлари ўтказиб борилганлиги таъкидланди.

Шунингдек, иштирокчилар одам савдосига қарши курашиш бўйича қонунчилик, мазкур жиноятлардан жабр кўрганларга ёрдам кўрсатишда жамоат ташкилотларининг ўрни, мазкур соҳадаги жиноятларнинг олдини олиш ва уларни бартараф этишда ҳуқуқни муҳофаза қилувчи органлар томонидан олиб борилаётган ишлар, мазкур жиноятлардан жабр кўрганларга тиббий ва ҳуқуқий ёрдам кўрсатиш бўйича амалга оширилаётган тадбирлар тўғрисидаги маърузаларни тингладилар.

Семинар-йиғилишда одам

савдоси жиноятининг олдини олишда, айниқса, аёллар ва ёшларнинг ҳуқуқий саводхонлигини оширишга жиддий эътибор қаратиш лозимлиги алоҳида таъкидланди. Алдамчи кимсаларнинг ёлгон ваъдаларига умаслик кўп жиҳатдан оиладаги соғлом муҳит, маънавий тарбия, ҳуқуқий саводхонлик ва фойдали меҳнат билан бандлик сингари жиҳатларга боғлиқдир. Вилоятимизда бундай жиноятнинг олдини олиш, ундан жабрланганларга ижтимоий-ҳуқуқий кўмак бериш борасида қатор дастур ва режалар белгиланган.

Тадбир сўнггида мазкур масала юзасидан тегишли тавсиялар ишлаб чиқилди.

## Назорат кучайтирилмоқда

Ғафур БАРНОЕВ,  
Сурхондарё вилоят прокурори

Мустақиллик йиллари мамлакатимиз учун чинакам юксалишлар даври бўлди. Амалга оширилаётган туб ислоҳотлар самараси сифатида турли соҳаларда улкан натижаларга эришилмоқда. Ислоҳотларнинг босқичма-босқич ва изчил амалга оширилаётганлиги сабабли аҳолининг турмуш даражаси тобора яхшиланиб бормоқда.

Сурхондарё вилояти республикаимизнинг иқтисодий-ижтимоий, маданий-маънавий ҳаётида муҳим ўрин тутди. 1941 йилда ташкил этилган, ҳудуди 20,1 минг кв.км., аҳолиси 2 млн. 52 минг кишидан иборат воҳамиз Қашқадарё вилояти, Тожикистон ва Туркменистон Республикалари, шунингдек, Афғонистон давлати билан чегарадошидир.

Истиқлол шарофати билан вилоятда ишлаб чиқариш, хизмат кўрсатиш тармоқлари жадал суръатларда ривожланмоқда. Иқтисодиётнинг етакчи тармоғи бўлмиш қишлоқ ҳўжалигидаги ислоҳотлар натижасида ер ўз эгаларини топмоқда. Бугун вилоятнинг қай гўшасига борманг, юксак бунёдкорлик ишларининг гувоҳи бўласиз. Янгидан қад ростлаётган замонавий бинолар воҳа кўрғига кўрк кўшмоқда.

Шу билан бирга қурилиш ва ободонлаштириш ишларида бир қатор қонунбузилиш ҳолатларининг учраб турганлиги афсусланарли ҳолдир.

Яқинда вилоят прокуратураси органлари томонидан Республика Бош прокурорининг 2010 йил 8 февралдаги фармойишига асосан Сурхондарё вилоятда уй-жой ва бошқа объектлар қурилишда шаҳарсозлик ва архитектура соҳасига оид қонунчилик талабларига риоя қилиниши аҳоли ўрганилди.

Аниқланишича, қурилиш ва ободонлаштириш жараёнини режалаштириш ва лойиҳалаш ишларида пала-партишликка йўл қўйилган. Вилоят архитектура ва қурилиш бош бошқармаси томонидан ишлаб чиқилган туманларнинг марказлари, қишлоқларнинг бош режалари лойиҳаларига амал қилинмаган.

Вазирлар Маҳкамасининг 2009 йил 12 февралдаги "Аҳоли пунктларини комплекс қуришда шаҳарсозлик нормалари ва қоидалари қатъий бажарилишини назорат қилишни кучайтиришга доир қўшимча чора-тадбирлар тўғрисида"ги 41-сонли Қарори ижросини таъминлаш мақсадида вилоят ҳокимининг 2009 йил 26 февралда 52-сонли

қарори қабул қилиниб, ҳокимлик ҳузурида аҳоли пунктларини комплекс қурилишини назорат қилиш ҳудудий комиссиясининг таркиби ва Низоми тасдиқланган.

Ушбу ҳудудий комиссиянинг таркиби ва асосий вазифалари аниқ белгиланганлигига қарамастан, комиссия томонидан ҳокимликлар, архитектура ва қурилиш, ер ресурслари ва давлат кадастри бўлимлари, бошқа алоқдор ташкилотларнинг шаҳарсозликка оид қонун ҳужжатларига, шаҳарсозлик нормалари ва қоидаларига риоя этилиши устидан таъсирчан ва тизимли назорат ўрнатилмаган.

Ҳудудий комиссия томонидан ноқонуний қурилишларнинг, ер участкаларидан ноўрин фойдаланишнинг олдини олиш юзасидан аниқ чора-тадбирлар ишлаб чиқилмаган ва бу боралда тасдиқланган иш режаси тўлиқ бажарилмаган.

Шунингдек, туман-шаҳар ишчи гуруҳларнинг фаолиятини ҳам ижобий баҳолаб бўлмайди. Бу гуруҳларнинг иш режалари номигагина тузилган бўлиб, бандлари тўлиқ бажарилмагани ҳолда, ҳатто жорий йил иш режалари ҳам ишлаб чиқилмаган. Тааллуқли идоралар раҳбарларининг масъулиятсизлиги оқибатида эса режа топшириқлари бажарилмаган.

Туман ҳокимлари томонидан аҳоли пунктлари бош режасини ишлаб чиқишни ўз вақтида молялаштириш ишлари қонунда белгиланган тартибда ҳал қилинмаганлиги оқибатида Ангор, Бойсун, Олтинсой, Шеробод, Қизирик, Жарқўрғон, Шўрчи тумани марказлари, Шарғун, Хайрабод, Элбаён, Хуррият, Қакайдӣ посёлкаларида собиқ Иттифок даврида тасдиқланган, фойдаланиш муддати ўтиб кетган бош режалардан фойдаланиб келинган.

Ҳужжатлар тайёрлиши устидан назоратнинг йўқлиги, соҳага оид қонун талабларининг бажарилмаслиги, қарорлар қабул қилишда масъул идоралардан тегишли ҳужжатларнинг таллаб қилиб олинмаслиги, суниестеъмолчиликлар оқибатида туман-шаҳар ҳокимликлари томонидан ноқонуний қарорлар қабул қилиниши ҳолатлари учрамоқда.

/Давоми 3-бетда/







2010 йил — Баркамол авлод йили

# Ёшлар орзуси ушалмоқда

Мустақиллик қарашларимизни, муносабатларимизни ўзгартириб юборди. Бир пайтлар кам аҳамият берилган масалалар бугун устувор вазифалар қаторидан жой олди. Шулардан бири, фарзандларимизнинг бахту саодати йўлида бошланган кенг қўламдаги эзгу ишлардир. Ёш авлодни маънавий ва жисмоний жиҳатдан етук камолга етказиш давлатимиз сиёсатининг устувор вазифаларидан бирига айланди. Эртанги кун ворислари бўлган ёшларнинг ҳуқуқ ва манфаатлари бош Қомусимизда ҳам ўз аксини топган. Воёга етмаган ўсмирларнинг ҳуқуқлари ҳам қатор қонун ҳужжатларида ўз аксини топган. Кадрлар тайёрлаш ҳақидаги Миллий дастур эса ёшларни замонавий илмларни эгаллаши, етук салоҳиятли бўлиб улғайишига мустаҳкам асос бўлиб хизмат қилмоқда.

Буларнинг барчаси миллий қадриятларимизнинг қайта тикланишлари. Ўзбек халқининг болажонлиги бошқа миллатникига ўхшамайди. Ҳар бир отаона "ўзимга эмас, фарзандимга бўлсин" дейди. Президентимиз раҳнамолигида бошланган эзгу ишлар ҳам ҳаётимизда шу қадар оммавийлашиб кетдики, уни катта тўлқинга қийслаш мумкин. Масалан, болалар спортини ривожлантиришга ҳар томонлама шароит ва имкониятлар яратиб берилганининг ўзи келажак авлодга бўлган эътиборнинг яққол намунаси.

Ортбошимизнинг 2002 йилдаги "Ўзбекистон болалар спортини ривожлантириш жамғармасини тузиш тўғрисида"ги ҳамда 2004 йилдаги "Ўзбекистон болалар спортини ривожлантириш жамғармаси фаолиятини такомиллаштириш



чора-тадбирлари тўғрисида"ги Фармонлари бу соҳадаги ишларда муҳим қўлланма бўлди десак, муболаға бўлмайди.

Шунингдек, 2010 йилнинг Баркамол авлод йили деб белгиланиши ҳам бошланган ишларнинг узвий давоми бўлмоқда.

Буни туманимиз мисолида ҳам кўриш мумкин. Бўз шаҳарчасида қурилиб фойдаланишга топширилган замонавий спорт мажмуаси болаларнинг энг сеvimли жойларидан бирига айланди. Ёшлар бу ерда спортнинг 11 тури билан шуғулланишмоқда. Уларнинг жисмоний чиниқиши, спортнинг юқори чўққиларига етишишига етарли шароитлар яратилган.

Фақатгина марказда эмас, тумандаги 26 та мактаб ва 4 та коллеж-лицейларда ҳам болаларнинг ўзлари севган спорт турлари билан шуғулланишлари учун спорт заллари мавжуд. Уларнинг таълим-тарбияси, бўш вақтини қандай ўтказаятгани туман прокуратурасининг доимий эътибори ва назоратида бўлмоқда.

машинасозлик касб-хунар коллежининг 232 нафар ўқувчиларидан 106 нафари, компьютер технологиялари касб-хунар коллежининг 810 нафар талабасидан 255 нафари ҳеч қандай сабабсиз дарсга келмаган. Ҳўш, юқоридagi ҳолатлар юз бериб турган жойда ўқувчиларнинг давомадлари юқори бўлиши мумкинми? Албатта йўқ. Сир эмас, бунга сабаб ўқувчилар ўз вазифаларига виждонан муносабатда бўлишмаганида. Ҳўжакўрсинга ўтилаётган дарслар болаларнинг билим олишга бўлган иштиёқларини сўндириб қўйган. Бундан ташқари айрим ота-оналар болаларини ўқишга юбормасдан "тирикчилик" дея, пул ишлаб топишга мажбурлашган. Фарзандларининг таълим-тарбиясини ўз холига ташлаб қўйиб, ҳўқўқуб-зарлик кўчасига киришига сабабчи бўлиб қўлаётган ота-оналар ҳам ора-мизда бор. Улар эса тегишли тартибда жавобгарликка тортилди.

Ҳар ким улуг мақсадлар ила олдинга қадам ташлайди. Улуг мақсадларнинг эса айрим масъулиятсиз кимсаларнинг бефарклиги йўлида қурбон бўлишига шўнчаки қараб турилмайди. Бунинг учун тегишли чора-тадбирлар қўрилади. Инчунин, шаҳар прокуратураси таълим муассасаларидаги қўнўбузилиш ҳолатларини бартараф этиш билан бирга дарсларнинг талаб даражасида ўтилиши ва давомад масалаларини доимий назоратга олди. Зеро, болаларнинг тўлақонли, тўқис билим олишлари учун барча шароитларни ҳавола этишдан иборат давлат сиёсатининг ижросини таъминлаш энг муҳим вазифаларимиздандир.

**Муҳаммаджон АБДУВАЛИЕВ,**  
Бўз тумани прокурори  
**Маҳлураҳон ОРТИҚОВА,**  
журналист

Эшматов Арманистон пойтахти Ереван шаҳрида ўтказилган халқаро бокс мусобақасида бронза медалини кўлга киритди.

Қишлоқларимиздан бундай спорт юлдузларининг чиқиши бошқаларнинг ҳам спортга қизиқишларини янада кўчайтирмоқда. 6-сонли мактабда бўлганимизда спорт зали ёшлар билан гавжум эди. Мактаб директори ҳолатни шўндай изоҳлади: "Собиқ ўқувчимиз Хуршидбек Мадаминов икки марта бокс бўйича Ўзбекистон чемпиони бўлиб, бир неча марта халқаро мусобақаларда медалларга сазовор бўлди. Ҳозир 70 нафар ўқувчи Хуршид раҳбарлик қилаётган бокс тўғралига қатнашяпти. Унинг шогирдлари республика ва халқаро мусобақаларда қатнашиб, совринли ўринларни эгаллашмоқда".

Бу туманимиздаги ягона мисол эмас. Ўсмирлар ўртаси-



да таъқвондо бўйича Тошкентда ўтказилган халқаро беллашувда Фозилжон Юнусов олтин медални кўлга киритди. Ҳозирги пайтда 7860 нафар 14 ёшгача бўлган ўсмир спортнинг 10 дан зиёд тури билан шуғулланмоқда. Айниқса бокс, кураш, каратэ, футбол сингари спорт турларига қатнашаётганлар кўпчиликини ташкил этади.

Баркамол авлод йили муносабати билан, туман прокуратураси ҳамда туман ички ишлар бўлими ташаббуси ва ҳўмийлигида "Воёга етмаган ёшларни спортга жалб этиб ва улар ўртасида жиноятчиликнинг олдини олиш" шўири остида 1994-1997 йилларда туғилган ўсмирлар ўртасида бокс бўйича водий очик чемпионати ўтказилди. 2 кун давомад этган мусобақада 350 дан зиёд ёшлар қатнашди.

Мусобақада голиб бўлган 26 нафар ёш боксчиларга олтин медал ҳамда диплом билан бирга 1 тадан гилам совға қилинди. Совганинг катта-кичиги бўлмайди. Аммо голиб спортчи ўз мактаби, ўз маҳалласига медал ва совға билан борса, ўнлаб ёшларнинг спортга қизиқиши янада ортishi турган гап. Мусобақани кўпалаб ёшлар, ота-оналар мароқ билан томоша қилишди. Буни спортнинг ўзига хос тарихоти дейиш ҳам мумкин. Умумоманда ҳисобида бузлик ёш боксчилар голибликни кўлга киритишди. Уларнинг эришган ютуқлари эса Баркамол авлод йилига ўзига хос совға бўлди. Туман прокуратураси бундан кейин ҳам воёга етмаганлар ўртасида жиноятчиликнинг олдини олишда спортнинг қандай имкониятларидан фойдаланишга ҳаракат қилмоқда.

## Доимо эътиборда бўлсин

Ўзбекистон Республикаси Вазирлар Маҳкамасининг 2008 йил 8 августдаги "Тиббий - меҳнат эксперт комиссияларида фуқароларни қўриқдан ўтказиш ва ногиронлиқни белгилаш тартиби тўғрисида"ги 175-сонли қарорининг тумандаги ижроси кузатиладиган шу нарса аниқландики, туман тиббиёт бирлашмасига қарашли кўптармоқли поликлиникада 2-сонли тиббий-меҳнат эксперт комиссияси томонидан бир қатор тадбирлар амалга оширилган. Туман наркологи врачлари ҳисобида турган гиёҳванд, ичкиликбозликка рўжу қўйган шахслар билан яққа тартибда шуғулланилиб, айниқса, ёшларни бу йўлдан қайтариш ва даволан бўйича салмоқли ишлар амалга оширилган.

Ногирон воёга етмаганларга нафақа тайинлашда ижтимоий таъминот бўлими, врачлик маслаҳат комиссияси билан биргаликда тиббий текширишдан ўтказиш тадбирлари мунтазам тарзда олиб борилган.

Туман 2-сонли тиббий-меҳнат эксперт комиссияси воёга етмаганлар билан ишлаш, уларга ногиронлиқни белгилаш, ногиронлик гуруҳларига ажратиш, тиббий хулосаларни асослашда Соғлиқни сақлаш вазирлигининг қўшма буйруқлари асосида иш олиб борган бўлса-да, айрим камчилик ва ҳатотликларга ҳам йўл қўйилган. Айниқса, 3-гуруҳ ногиронла-

**К. ЖУСИПБЕКОВ,**  
Кармана туман прокурори

рининг меҳнатта яроқлилиги ҳақида хулоса берилганлигига қарамай туман бандаликка қўмақлашув маркази билан биргаликда иш билан таъминлаш йўлга қўйилмаган. Уларни ҳўмоя қилиш борасида тегишли чора-тадбирлар қўрилмаган. Туман ижтимоий таъминот бўлими, туман врачлик маслаҳат комиссияси ҳамкорликда ногирон болаларни ижтимоий ҳўмоялаш борасида етарли даражада иш олиб бормаган. Айрим тумна ногирон болалар маҳсуус оёқ кийим — қарсет билан таъминланмаган.

Баъзи ҳўларда ногиронлиқни белгилашда ва қайта комиссиядан ўтишда 2-сонли тиббий-меҳнат эксперт комиссияси низом талаблари бузилишига йўл қўйилган.

Ёш ногирон болаларни даволан, саломатлигини тиклаш чораларини қўришда тиббий-меҳнат эксперт комиссияси ва тиббиёт бирлашмаси даволан профилактика муассасалари етарли имкониятга эга.

Энг асосийси, бу имкониятлардан оқилона фойдаланишмоги лозим. Туман прокуратураси тегишли ташкилотларга қўнўбузилишларининг олдини олиш юзасидан чора-тадбирлар қўриш бўйича тақдимномалар киритди.















Эъзоз ва эътибор



Прокуратура фахрийси Давид Непомняший 80 ёшни қаршиламакда...

Давид Непомняший прокуратура органларида 43 йилдан ортиқ ишлаб...

Иш фаолиятини Тошкент шаҳри туман прокуратураларида терговчи...

ри лавозимларида самарали хизмат қилди.

Ишда ташкилотчилик ва ташаббускорлик кўрсатиб, ҳамкасблари орасида хурмат қозondi.

У кишининг фидокорона меҳнати, касбга садоқати, шунингдек, қонунчилик ва ҳуқуқ-тарғиботни мустаҳкамлашга қўшган ҳиссаси прокуратура органлари раҳбарияти томонидан муносиб баҳоланган.

Фурсатдан фойдаланиб, у кишини қўлуғ таваллуд ёши билан самимий муборакбод этиб, сийҳат-саломатлик, хонадонига тинчлик ва осейишталик, бахт-саодат доимо ёр бўлишини тилаб қоламиз.



жиноятчиликка қарши курашишга бахшида қилган Болти Имомов ҳозирда 70 ёшни қаршиляпти.

Болти Имомов 1970 йилда Тошкент давлат университетининг ҳуқуқшунослик факультетини тугатгандан сўнг Қашқадарё вилояти прокуратурасида бўлим прокурори, Касби тумани прокуратураси терговчиси, Нишон тумани прокурори ўринбосари, вилоят прокуратурасида катта терговчи, туман прокурори ёрдамчиси ва вилоят прокуратурасида бўлим прокурори лавозимла-

Садоқатнинг саодати

рида хизмат қилиб, шарафли меҳнат йўлини босиб ўтди.

Меҳнат фаолияти давомида ўзининг амалий тажрибасини ёш прокуратура ходимларини тарбиялашга сафарбар этиб, жамоатчилик ҳурматига сазовор бўлди.

Болти Имомовнинг кўп йиллик меҳнати прокуратура раҳбарияти томонидан муносиб баҳоланиб, "Ўзбекистон Республикаси прокуратурасининг фахрий ходими" кўкрак нишони билан тақдирланган.

Ҳозирда фарзандлари ва набиралари қўршовида қариллик гаштини суратган Болти акани табарруқ ёши билан қўтлаб, оилавий бахт ва доимо соғ-саломат бўлишини тилаб қоламиз.

Республика Бош прокуратураси жамоаси ва Фахрийларни ижтимоий қўллаб-қувватлаш жамоатчилик маркази

Газетамизнинг 2010 йил 11 мартдаги 10-сонидан чоп этилган "Ўзгарिश бўлармикан?" номли мақола юзасидан "Тошавтобустранс" Акциядорлик компанияси директори Т.Далабоев имзоси билан қуйидаги жавоб хатини олади:

"Ўзгарिश бўлармикан?"

"Мақола "Тошавтобустранс" Акциядорлик компаниясига қарашли барча автосарой ва корхоналарнинг кенгайтирилган жамоа йиғилишларида атрофлича муҳокама қилинди.

Йиғилишлар мақола матнини атрофлича ўрганиш билан бирга автотранспорт жамоаси аъзоларига йўловчилар ташишда амалга оширилган ижобий ишлар билан бир қаторда, камчилик ва нуқсонлар, муаммолар, ҳал қилиниши лозим бўлган масалалар ҳамда йўловчиларга маданий хизмат кўрсатиш маънавиятимиз ва кадриятимизнинг ажралмас қисми эканлиги ҳақидаги тушунчаларни сингдириш руҳида ўтказилди.

Муҳокама чоғида, бугунги кунда "Тошавтобустранс" АКДа ҳайдовчиларнинг иш фаолияти, уларни ишга қабул қилиш тартиби, хизмат даврида йўловчиларга нисбатан хизмат ва муомала маданиятини юксалтириш хусусида олиб борилаётган ишлар ҳақида алоҳида тўхталиб ўтилди. Шу қаторда автобуслар йўналишлари ҳайдовчиларнинг йўловчига нисбатан қилган ноҳўра хатти-ҳаракатлари, ҳурматсизликлари қаттиқ танқид остига олинди.

Шу ўринда айтиш жоизки, йўловчи ташувчилар томонидан йўл қўйилаётган камчиликлар билан бир қаторда,

йўловчилар томонидан ҳам Ўзбекистон Республикасининг "Шаҳар йўловчи ташиш транспорти ҳақида"ги, "Шаҳар йўловчилар транспортидан бепул фойдаланишни тартибга солиш тўғрисида"ги Қонунларида йўловчилар учун белгиланган мажбуриятларни бажармаслик, шаҳар йўловчи ташиш жамоат транспортидан фойдаланиш қоидаларига амал қилмаслик ҳоллари кўплаб учрамоқда. Ўтказилган рейд текширувлари даврида 2030 та йўловчига йўлиқри ҳақини тўламаганликлари учун жарима солинган, 1252 та қалбаки ойлик йўл чипталари, 1446 та жамоат транспортидан бепул фойдаланиш ҳуқуқини бермайдиган ҳужжатлар ва кўплаб "Сохта талабалар"нинг гувоҳномалари олиб қўйилган.

Бу ҳолатлар шаҳар жамоат транспорти ишига моддий зарар кўрсатибгина қолмай, балки кўп ҳолларда "ҳайдовчи ва йўловчи" ўртасидаги зиддиятларни, ноҳуш ҳолатларнинг келиб чиқишига сабаб бўлмоқда.

Мақолада шаҳар ижтимоий ҳаётининг долзарб мавзуси, шаҳар жамоат транспортидаги камчиликлар ҳақида сўз юритилганлиги инobatга олиниб, уларнинг бартараф этилиши борасида бир қанча амалий ишлар қилинди.

Йўналишларда ҳайдовчи ва чиптачиларнинг иши усти-



дан назоратни кучайтириш мақсадига компания, корхоналар ҳаракат хавфсизлиги ва тасарруф хизмати ходимларидан иборат гуруҳлар тузилиб, шаҳарнинг йўловчилар оқими гавжум бўлган йирик бекатларида навбатчилик ташкил этилди.

Уюшма бўйича ҳафтанинг бир куни "Назорат куни" деб эълон қилиниб, ушбу кунда барча техник-муҳандис, маъмурий бошқарув ходимларига йўналишлар ишини ўрганиш, аниқланган камчиликларни бартараф этиш, ҳайдовчилар томонидан мавжуд тартиб-қоидаларга амал қилиниши, йўловчилар томонидан ўз вақтида йўлиқри ҳақларини тўлаишини назорат қилиш вазифаси юклатилди.

Мақолада келтирилган бекатларда мониторинг ўтказилиб, йўналишлар иши назоратга олинди. Ҳайдовчи ва чиптачиларнинг хизмат мада-

ниятини юксалтириш, "йўловчи ва ҳайдовчи" ўртасидаги муомала маданиятига эътибор қаратиш, жадвалда белгиланган қатнов вақтига, белгиланган бекатларга рия қилиш, оралиқ бекатларда меъёрдан ортиқ туриб қолиш ҳолларига чек қўйиш, йўналишда белгиланган ҳаракат тезлигига рия этиш, ойлик йўл чипталарига эга бўлган йўловчиларга нисбатан хурматда бўлиш юзасида қайта йўриқномалар ўтказилди.

Уюшма, компаниялар ва корхоналар раҳбарияти шаҳар жамоат транспорти ишини янада яхшилаш, уни йўловчилар талаби даражасида ташкил этиш, хизмат маданиятини юксалтириш борасида амалий ишларни олиб боради ва буни доимий назоратга олади.

Аввал хабар қилганимиздек, йўловчилар билан йўналишлар иши ҳақида яқиндан

мулоқотда бўлиш, уларнинг таклиф ва истаklarини инobatга олиш мақсадига, "Тошшаҳартрансхизмат" уюшмаси Марказий нозимлик хизмати қошида 233-54-78 рақамли "Ишонч" телефони ишлаб турибди. Ушбу телефон орқали аниқ фактлар асосида у ёки бу камчиликлар бартараф этилиб, аниқ маълумотлар асосида қандайдир ҳайдовчи ёки чиптачиларга маъмурий жазо чоралари кўриломоқда.

"Тошавтобустранс" Акциядорлик компанияси раҳбарияти газета саҳифаларида долзарб мавзу — жамоат транспортининг иши ёритилганлиги учун ўз миннатдорчилигини билдиради ҳамда келгусида ҳар икки томон, "йўловчи ва ҳайдовчи"нинг ҳуқуқ ва мажбуриятлари, ютуқ ва камчиликлари ҳақида одилола мукоалалар босилиб боришида тахририят ходимларига ижодий куч-ғайрат тилайди."

Ўтганларнинг охирати обод бўлсин!

Ўзбекистон Республикаси Бош прокуратураси жамоаси, Фахрийларни ижтимоий қўллаб-қувватлаш жамоатчилик Маркази ҳамда Тошкент вилоят прокуратураси жамоаси прокуратура фахрийси Пиримқул МАВЛОНОВнинг вафот этганлиги муносабати билан унинг оила аъзоларига ҳамдардлик билдиради.

Навоий вилоят прокуратураси жамоаси Хатирчи туман прокурори Илҳом Наврўзовга падари бузруквори Салим отанинг вафот этганлиги муносабати билан чуқур ҳамдардлик билдиради.

Навоий вилоят прокуратураси жамоаси вилоят прокуратурасининг молия-ҳўжалик бўлими бошлиғи ўринбосари Ризоқул Боймирзаевга падари бузруквори Тошқул отанинг вафот этганлиги муносабати билан чуқур таъзия билдиради.

Huquq yuridik gazeta Ta'asischi: O'zbekiston Respublikasi Bosh prokuraturasi

Bosh muharrir: Jahongir MAKSUMOV Tahrir hay'ati: Yusupboy G'OIROV, Bahriddin VALIYEV, Baxtiyor NAZAROV (Bosh muharrir o'rinbosari), Svetlana ORTIQOVA, Tohir MALIK

Tahririyat manzili: Toshkent shahri, Yahyo G'ulomov ko'chasi, 66-uy. Telefon: 233-98-40, 233-10-53. Faks: 233-64-85, 233-10-53. E-mail: info@huquq-gazeta.uz

Tahririyatga kelgan qo'lyozma va suratlar egalarga qaytarilmaydi. Mualliflarning fikrlari tahririyat fikridan farqlanishi mumkin. Nashrimizdan ko'chirib bosilganda «HUQUQ»dan olinganligi ko'rsatilishi shart. Tijorat ahamiyatiga molik materiallar \*\* belgisi ostida chop etiladi.

Buyurtma № 9212. 25 327 nusxada bosildi. Gazeta tahririyat kompyuter bazasida terildi va sahifalandi. «HUQUQ» original maketi. Sahifalovchi dizayner: S.BOBODJONOV Navbatchesi muharrir: M.DUSIYAROVA Musahhihi: A.MUSTAFOYEVA Navbatchesi: O' .DEHQONOV

Gazeta haftaning payshanba kunlari chiqadi. Sotuvda ketilishgan narxda